

ցիկ : Իսկ նոքա իրրեւ լուան , ափշեցան և դահի հարան .
յայտնի տեսանելով՝ թէ որպիսի պառակտումն հանդերձեալ
էր լինիլ 'ի մէջ ազգին , եւ պատառումն անկարկատելի ,
մանաւանդ զի գիտէին՝ թէ հաւան է բովանդակ ազգն ընդ-
Յակոբ Կաթուղիկոս էջմիածնի , և սիրով կապեալ ընդ նմա
վասն բարեկաւութեան նորա , եւ չէր ուրուք գտեալ 'ի
նմա արատս ինչ , վասն որոյ բազում աղաչանօք հաւա-
նեցուցին զՍաչատուր մի վաղվաղել , զի թերեւս գտցեն
հնարս ինչ , և մեք ասեն , առաքեմք զոք յառաջագոյն քան
դքեզ , երթալ և խօսիլ 'ի գիմաց մեր ընդ Եղիազարու , զի
դադարեացի յայնպիսի խորհրդոց : Եւ քանզի գրեալ էր
Եղիազար առ Յովսէփ վարդապետ , զոր եթող իր փոխա-
նորդ իւր 'ի Կոստանդինուպօլիս՝ զի յղեսցէ առ ինքն զԵ-
րեմիա Ձելէպի՝ վասն լինելոյ նորա յաջողակ 'ի գիր և 'ի
բան , զնա ինքն զԵրեմիա յղեցին պատգամաւոր առ Եղիա-
զար՝ զի թերեւս կարասցէ նա իմաստութեամբ իւրով փո-
խել զմիտս նորա :

Հասեալ Երեմիայ 'ի Բերիա՝ յանդիման եղեւ Եղիազա-
րու , և խօսեցաւ ընդ նմա բազում ինչ 'ի բազում աւուրս՝
այլ ոչ ինչ օգտեցաւ . քանզի ասէր Եղիազար՝ իմ առեալ է
Արքունի հրովարտակ յեպարքոսէ՝ վասն Կաթուղիկոսու-
թեան , ապա զի՞ եւս ընդունայն աշխատիք նանրացուցա-
նել զայն , և սկսաւ առաջի դնել նորա թէ 'ի նստիլ ի-
մում յԱթոռ Հայրապետութեան , ահն ունիմ բազում օ-
գուտ ցուցանել եւ առնել ազգիս Հայոց շինութեամբք
և կարգաւորութեամբք , և չառնուլ բնաւ նուէրս 'ի Ժո-
ղովրդենէ : Եւ Երեմիա Ձելէպի անյոյս լեալ 'ի փոխելոյ
զմիտս նորա՝ ծանոյց գրով 'ի Կոստանդինուպօլիս : Իսկ
Եղիազար յետ ժամանակաց զայս Պերաթ Կաթուղիկոսա-
կան տարաւ ընդ իւր յէջմիածին , և զկնի մահուան նորին ,
Սիմէոն Կաթուղիկոս Երեւանցի արկեալ 'ի հուր այրեաց՝
զի գրեալ էր 'ի նմա զանունդ Երուսաղէմ . Տե՛ս 'ի Գիրքն
Ջաֆր Կոնցեալ , Կոնեալ անդ յէջմիածին , Երե՛ս 239 :

Յետ սակաւուց եկն և Սաչատուր Կաթուղիկոս Սսոյ
'ի Կոստանդինուպօլսոյ 'ի Բերիա , և անդ վերստին խոր-
հեալ ընդ Եղիազարու եւ տեսեալ 'ի ձեռին նորա զԱր-
քունի հրովարտակ՝ զիջաւ կամաց նորա , և ձեռնադրեալ